

3 Yohane

Yaižézé ac.

¹Qeria galeŋ neŋ nuac kokoc sorocna Gaio, ackuazéc héla imuac qeriaiguc goi héihéi waŋgéŋanzua guac mia kiwi youmi oma haiwa hazac.

²Kokoc sorocna, uŋaganéŋ hiabianec keczac imuhucyanec séwiga zéma iwawaiga moczoŋ hiarumac niŋac Anutu welecmizua. ³Dacmuna hécna ieneŋ nuaru hama ackuazéc héla guac muru hezac imuac héipuc wamma gi imi ackuazéc héla imuac qeriaiguc keŋha waŋanzaŋ zégic nimma ségiségi yanda waŋi. ⁴Nimba nuac nambérac hécnanéŋ ackuazéc héla qeriaiguc keŋha waŋanzu iminéŋ nuac ségiségina yanda waŋu, ségiségi ménéŋ ségiségi imi ogicmacac séc qahac wanzac.

Gaio zéhiaru miyec.

⁵Kokoc sorocna, gi ninzén ninzén dacmuna hécga keŋkésa hakésaga qahac haka héla waŋ énécmianzaŋ. Imuhuc wamma ionarunec tosara mérécgawac inicanzaŋ ionaru imi séc mén ogicma imuhuc waŋ énécmianzaŋ. ⁶Ieneŋ héna gésé ionac kicginaiguc guac goi héihéi imuac héipucya wamma zégic. Imuac geŋ imuhucyanec Anutuac ewa siŋac séciguc imi méli énécmiina kemmu. ⁷Némac niŋ, ieneŋ imi Miŋ Kewuac qara niŋac wamma keŋgic, ic enia ieneŋ iwawai mén ménda énécmigic meanzu. ⁸Imuac ai ic imuhucya goigina héiénécmiwiŋ. Imuhuc wamma neŋawu ackuazéc héla imuac aiya momacnec mewiŋ.

Dioterefe zéma Demetirio.

⁹Ni Yesuac héna gésé ionac niŋac ac tosara oénécmizua, waŋu Diotrefe iwac imi qahac, inéŋ kunéŋgina kecmaŋac zé wamma nini ménda héihéré nénécmianzaŋ. ¹⁰Imuac niŋac ni hamaŋiguc i haka biria waŋanzac imi énézéwa hémmu. Inéŋ ac biria zéma nonac niŋ ac sicsaocya zénénécmiyu ménda sécgéyu ninzén ninzén dacmuna hécnina ac qeŋe wamma ménda héihéré énécmianzaŋ. Waŋu muŋguc yanda ic embac tosara héihéré énécmiwiŋ zé waŋgic zéseli énécmima Yesuac héna gésé suggina igucnec nesi énécmiyu séŋgaŋgeŋ maanzu.

¹¹Kokoc sorocna haka biria ménda méndacma haka hiabia méndacbéseña. Méñnéñ méñ haka hiabia wañanzac iminéñ Anutuac murunec. Wañu méñnéñ méñ haka biria wañanzac iminéñ Anutu méndagucnec héñec. ¹²Wañu néwécgeña ic embac ieneñ Demetirioac nañgémima héipuc ac zéanzu. Wañu ackuazéc héla imi acguc imuhuc wammianzac. Wañu nini imuhucyanec iwac héipuc ac wammianziñ. Wañu gi imi nonac héipuc ac yomi hélanec wanzac imi ninzaj.

Tetecgiawac yaizézé ac.

¹³Ni guac ac sasala méñ zémanj zé ninzua, néñ kiwiiguc kirifi zéma dokuyanéñ ménda omanj zé wanzua. ¹⁴Néwécgeña, ni nenaoc focdac gémmañac zé wanzua imuac musu qeqe wañamuma eminimbic. ¹⁵Luaenéñ guac muru hemac. Ala sasalanéñ yaizézéga zégic owa hazac. Geñ kuana mema alahécna yaizézégina qacgina séc qacma énézébésémanj.